

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 068359 24 Fin 28
Kakanj, 18.11.2024.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14 i 59/22) te preporuke Komisije za provođenje postupka javne nabavke iz Zapisnika o pregledu i ocjeni ponuda poslije održavanja e-aukcije broj: 36 0 Su 068359 24 Fin 28 od 18.11.2024. godine, u postupku javne nabavke - Nabavka i ugradnja alarmnih i video nadzornih sistema, Predsjednik suda donosi,

O D L U K U **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke roba - Nabavka i ugradnja alarmnih i video nadzornih sistema i ugovor se dodjeljuje ponuđaču “AGENCIJA „SEC ONE“ D.O.O.“ Sarajevo, adresa: ul. Bačići br.3, Sarajevo, ponuda broj 4449/24 od 04.11.2024. godine za ponudenu cijenu 18.400,00 KM bez PDV-a (osamnaest hiljada i četristotine KM), kao najpovoljnijem ponuđaču nakon završetka e-aukcije.

Član 2.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici Općinskog suda u Kaknju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke roba - Nabavka i ugradnja alarmnih i video nadzornih sistema pokrenut je Odlukom o pokretanju postupka javne nabavke, broj 36 0 Su 068359 24 Fin 28 od 31.10.2024.godine. Postupak je proveden putem konkurentskog zahtjeva za dostavu ponuda, za koje je objavljeno obavještenje o nabavci broj 5359-7-1-94-3-11/24 od 31.10.2024. godine na Portalu javnih nabavki.

Komisija za javne nabavke dostavila je dana 18.11.2024. godine predsjedniku Općinskog suda u Kaknju Zapisnik o pregledu i ocjeni ponuda broj 36 0 Su 068359 24 Fin 28 od 14.11.2024.godine sačinjen prije održavanja e-aukcije, te Zapisnik o pregledu i ocjeni ponuda broj 36 0 Su 068359 24 Fin 28 od 18.11.2024. godine sačinjen poslije održavanja e-aukcije sa preporukom o izboru najpovoljnijeg ponuđača za predmetnu nabavku.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da je ukupno zaprimljeno četiri ponude i to sljedećim redoslijedom:

Redni broj	PONUĐAČ	SJEDIŠTE
1.	AGENCIJA „SEC ONE“ D.O.O.	SARAJEVO
2.	AGENCIJA „MIDDLE POINT ELECTRONICS“ D.O.O.	SARAJEVO
3.	AGENCIJA „DSC“ D.O.O.	SARAJEVO
4.	AGENCIJA „PRO TEAM“ D.O.O.	SARAJEVO

Kopija Zapisnika sa otvaranja ponuda dostavljena je ponuđačima putem e-maila dana 13.11.2024. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o ocjeni ponuda, proizilazi da su kvalifikovane i prihvatljive ponude ponuđača AGENCIJA „SEC ONE“ D.O.O. i AGENCIJA „MIDDLE POINT ELECTRONICS“ D.O.O., dok je ponuda ponuđača AGENCIJA „DSC“ D.O.O. ocjenjena kao neprihvatljiva iz razloga što ukupno ponuđena cijena od 24.227,00 KM bez PDV-a prelazi planirana, odnosno osigurana novčana sredstva ugovornog organa za predmetnu nabavku, a ponuda ponuđača AGENCIJA „PRO TEAM“ D.O.O. ocjenjena kao nepravilna, odnosno kao ponuda koja nije sačinjena u skladu sa tenderskom dokumentacijom.

Odredbom člana 2. stav 1. alineja 1- 2) Zakona o javnim nabavkama definicija pojma „neprihvatljiva ponuda“ je određena kao ponuda čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Tačkom 1.5. Tenderske dokumentacije ugovorni organ je procijenio vrijednost javne nabavke na iznos od 20.000,00 KM i taj iznos obezbjedio u budžetu. Obzirom da je ponuđač AGENCIJA „DSC“ D.O.O. ponudom broj: 207/24 od 11.11.2024.godine naveo da cijena njihove ponude iznosi 24.227,00 KM bez PDV-a , to je ponuda u smislu člana 2. stav 1. alineja 1- 2) Zakona o javnim nabavkama ocijenjena kao neprihvatljiva.

Odredbom člana 2. stav 1. alineja 1- 3) Zakona o javnim nabavkama definicija pojma „nepravilna ponuda“ je određena kao ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Tačkom 3.4.1. tenderske dokumentacije propisano je da je ponuđač u svrhu dokazivanja uslova tehničke i profesionalne sposobnosti dužan dostaviti kopije certifikata za tehničku zaštitu ili certifikat za odgovornu osobu, dokaz nadležne poreske uprave o angažovanom osoblju ne starije od 3 (tri) mjeseca od datuma obavještenja za predmetnu nabavku kao i kopije ugovora o radu ili djelu ili privremenim poslovima i sl. za angažovano osoblje.

Uvidom u ponudu ponuđača AGENCIJA PRO TEAM D.O.O. utvrđeno je da je ponuđač dostavio certifikate za obavljanje poslova tehničke zaštite za lica Almir (Hamdo) Pločo, Amer (Muhamed) Horman, Robert (Zvonko) Razdrić br. 04/2-9023 od 22.10.2008.g., br. 04/2-11374 od 02.07.2010.g. i br. 02/2-613 od 16.04.2003.g. sve izdato od Federalnog MUP-a.

Nadalje, Komisija je utvrdila da ponuđač AGENCIJA PRO TEAM D.O.O nije dostavio dokaz nadležne poreske uprave o angažovanom osoblju ne starije od 3 (tri) mjeseca od datuma obavještenja za predmetnu nabavku kao i kopije ugovora o radu ili djelu ili privremenim poslovima i sl. za angažovano osoblje, te je ponudu ponuđača AGENCIJA PRO TEAM D.O.O. u smislu člana 2. stav 1. alineja 1) 3) Zakona o javnim nabavkama ocijenjena kao nepravilna iz razloga što nije sačinjena u skladu sa tenderskom dokumentacijom.

Vezano za dokaze koje ponuđač AGENCIJA PRO TEAM D.O.O nije dostavio uz ponudu, iz tačke 3.4.1. tenderske dokumentacije, ugovorni organ je dana 04.11.2024.godine dobio i pitanje na portalu JN od potencijalnog ponuđača, te u odgovoru naveo da je ugovore o radu potrebno dostaviti samo za osobe koje su kod ponuđača angažovani po drugom osnovu i nisu uposlenici ponuđača. Ukoliko se radi o uposlenicima ponuđača isti su na spisku poreske uprave i za njih nije potrebno dostavljati ugovore.

E-aukcija sa kvalifikovanim ponuđačima zakazana je u skladu sa Pravilnikom o uslovima i načinu korištenja E-aukcije ("Službeni glasnik Bosne i Hercegovine", broj 66/16) za dan 18.11.2024. godine u 9,30 sati sa predviđenim trajanjem od 10 minuta.

Po okončanju e-aukcije u skladu sa utvrđenim kriterijem „najniža cijena“ komisija je na osnovu Izvještaja o toku i završetku e-aukcije konstatovala da je e-aukcija trajala od 9,30 sati do 9,44 sati i konačna rang lista ponuđača koji su učestvovali u E-aukciji je slijedeća:


Redni broj	Naziv ponuđača	Konačna cijena ponude bez PDV-a
1.	AGENCIJA „SEC ONE“ D.O.O.	18.400,00 KM
2.	AGENCIJA „MIDDLE POINT ELECTRONICS“ D.O.O.	18.440,00 KM

Imajući u vidu da je kriterij za dodjelu ugovora najniža cijena i da ponuda ponuđača AGENCIJA „SEC ONE“ D.O.O Sarajevo, nakon e-aukcije iznosi 18.400,00 KM bez PDV-a, ista je ocijenjena kao najpovoljnija ponuda. Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču AGENCIJA „SEC ONE“ D.O.O Sarajevo, što je u skladu sa Zakonom o javnim nabavkama, podzakonskim aktima i tenderskom dokumentacijom.

Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke.



Predsjednik suda

Eldar Zaimović

Dostaviti:

1. AGENCIJA „SEC ONE“ d.o.o., putem info@secone.ba
2. AGENCIJA „MIDDLE POINT ELECTRONICS“ d.o.o. putem info@mpoint.ba
3. AGENCIJA „DSC“ d.o.o. putem info@dsc-sa.ba
4. AGENCIJA „PRO TEAM“ d.o.o. almir.proteam@gmail.com
5. web
6. a/a